

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華北地方·第五五四號

據

民國·鄭震谷等修，幸邦隆總纂
民國二十一年石印本

影印

甘肅省

華亭縣志



6915975

成文出版社有限公司印行



中國方志叢書·華北地方·第五五四號

據

民國·鄭震谷等修，幸邦隆總纂
民國二十一年石印本

影印

甘肅省

華亭縣志



60/8125

成文出版社有限公司印行



10107835

中華民國六十五年 月壹一版

華亭縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

華亭縣志

甘肅武山張次房題

中華民國

十八年八月
廿二年五月

開始編輯
告成付印

民國癸酉秋九月印

卷一

增修華亭縣志首卷

序言

街名

凡例

編目錄

華亭縣全圖

城市圖

一區分圖

二區分圖

三區分圖


四區分圖

山脉圖

水道圖

張序

我甘不幸自民十四以還干戈擾攘災禍紛沓壯者散於四方
老者僵於道路哀鴻遍野慘不忍言是以方志事宜概多擱置
未舉深堪慨惜今年春予來蒞斯土索讀舊有縣志殊多闕如
正欲拾遺補闕繼志前賢適承友人張鴻汀先生來函以勸修
新志為囑於是集賢研討議決組織縣志審查委員會將幸邦
隆先生編纂之縣志補正刊行以垂久遠越月審查完竣披閱
內容分門別類纂錄詳實至其文筆之雅潔猶其餘事予欽而
樂之故於經濟萬艱之中籌資付印以成其美舉云時民國二
十一年八月十八日張次房序於華亭縣政府



李序


張令芸菁由化平調署華亭之時正土匪數千招撫之際接篆伊始搜閱舊志披覽輿圖考查形勢謀籌戰守茫無所得喟然嘆曰吾不意儀州名都處此文化進步之世志乘尚如此之疎漏俾來鎮是邦者將何以資考鏡而施治化哉遂於戎馬倉皇之間為督修縣志計徧訪紳耆欲得一學識優良秉公無私者委負編輯之任地方人士僉以辛中和君留心採訪有年卒以錄印無款未遑把筆薦芸菁召幸君協商謙辭至再託難勝任己巳仲夏省政府特立通志館明令各縣修志統限八月朔設局開纂幸君時長教局省委以通志副採訪義不獲辭縣委以

縣志總編輯義安敢辭究其所以謀而又辭者要不過慮錄印之無的款耳僉曰張令芸菁誓負籌款之責量不食言勸中和君為桑梓計勉為其難中和君喜遂承諾之且曰張令芸菁既樂籌款以備錄印隆亦不願受薪以輕民負華亭縣志乃於是乎成僉曰華亭縣志之成非編輯之難實籌款之難非籌款之難實籌款而無賢令督修之難編輯之不索薪尤為難之又難矣易曰后以財成天地之道相輔天地之宜以左右民財之為用固大余不禁欣然嘆曰有財而能節用其收效也為尤大庚午元月朔崇信任海珊君玉成其美介紹優良梓工張令芸菁即允籌款六百元擬印二百部以廣流傳幸君又格外鄭重未

敢自信其體例之完善請呈省通志館校正再付排印總之華
亭文獻一經闡校定能放異彩於當世財成及編輯之功顧不
偉哉謹筆之序

華亭縣黨部訓練部長詩齋李興周撰

中華民國十九年庚午元月十日



1
2
3
4
5
6
7
8
9
10

王序

老子云太上立德其次立言其次立功纂修縣志為德言功兼
立之事任是責者必負有史才具有史識富有史學荷有史權
而後可以秉史筆記史事紹舊史於往古叙新史於來今反是
則鮮有不玷且妄者吾華幸中和先生掌理學務己巳仲夏省
界以通志採訪之任縣委以方志編輯之責先生上不負省局
之託下不辭鄉土之勞可謂荷有史權矣心無暇晷目不交睫
手弗停披口未絕吟旁徵遠引廣詢博訪可謂富有史學矣燭
古照今達中通外應時觀變聆音察理可謂具有史識矣辨性
攷質目張網舉彰善瘴惡開道衛德可謂負有史才矣先生以

才識學權兼備之身担負有志採訪縣志編修之任宜乎不匝月而有務竣不暮年而縣務歲謂之立功誰曰不當一手撰著拾編告成搜羅無遺文獻有徵謂之立言誰曰不可勞不取酬病不休養公不校怨善不遺揚謂之立德誰曰不中竊嘗檢閱新志總覽輿圖觀其結構之精密屬詞之審慎尤復歸納新舊包羅理氣讀之不但可以知掌故悉沿革並且可以明政教究世變正人心維風俗矣余冒昧不揣擯序數言聊祝信史之成願同志其鑒諒不文焉可

華亭第一中山高級小學校校長王化行撰

中華民國十九年元月九日

潘序

縣有志猶國有史若晉曰乘楚曰檮杌魯曰春秋名雖不同其義則一故有有志縣有縣志修之者創于始續之者繼于後非有碩學鴻儒不敢妄陳一詞我華縣志創始者擅其美續編者乏其人經數十年來其間軼事古跡竟棄之如遺良深浩嘆有幸君中和者素飽經史博通中外新舊學均稱大家出而担当此任分類逐條一一編纂兼之張芸善縣長宏通淹貫識卓見高誠當代循良與幸君同志更易成功功成後同人增序者多余忝列士林謹勉贊數言以示慶

華亭縣第一完全小學學校校長潘偉觀撰

docsriver 文川网
入驻商家 古籍书城

在文川网搜索古籍书城 获取更多电子书

中華民國十九年九月九日

王序

志為記事之書修志之要尚實忌虛尚詳忌略尚公忌私尚整
忌雜尚潔忌穢竊讀幸中和先生之作提綱挈領因事撮要簡
當得體可謂知五尚明五忌不負修志之責矣然二難不去則
九仞必虧雖才具班馬學富江沈勢必繫等匏瓜腐同草木焉
能成信史於一時流芳名於百世哉二難者何曰時曰財是也
生不逢時財不應事古今著作不知湮沒多少先生學兼中西
識晰治亂處五千年大變之會當九萬里交通之際言國政則
恰逢君民遞嬗言學術則正置教派爭鳴言治化風俗則又遇
民權勃興社會改進過去之事實悉為將來之歷史及今不記

此後何徵况又有省府之督修縣長之壽款財時二難均可破
除先生奉令出其所學不憚勞苦編纂成帙隨付印以垂永久
使華亭得有文獻之徵俾隣省隣封亦得有參考之資先生可
謂時至名歸無愧所學有功桑梓矣豈可以僭妄比之哉故援
筆而為之序

華亭第二中山學校校長王誥撰

中華民國十九年元月十日

陸序

竊攷志乘之書必問世而一成其成也則一縣之形勝以及礦產森林農田水利風俗習慣政治教育實業生活與夫世運之變遷疆域之沿革先賢之勲業歷代之掌故莫不賴以昭明則志乘關係之重大豈淺鮮哉然纂修者非碩學鴻儒特具史識之才鮮克勝任此志乘之所以不易成也究其所以成者尤必採訪有人編纂有人校正有人籌款有人非得多人之力費數年之功持之以恆何克觀厥成功三鄉幸中和先生博覽經史旁通百家且於中西學術莫不探索蘊奧深慨桑梓文獻殘缺故以修志自任於是廣詢博訪苦心孤詣歷十餘年乃得張甚

無長之贊助奉多數人之力所不能辦者高先生以一身任
之樞關拾遺卒成一邑之文獻未嘗受公家錙銖之賦其廉德
其忠功願可沒哉今觀全書其取材也審其分類也明體例嚴
整記載詳備而於社會國家之要尤三致意焉後之人披覽
之餘了如指掌並且詳土壤以導農產標礦物以示地利倡教
育以開文化揚忠孝以勵風俗兼為華亭之新建設開一大先
河是書之成則謂之地方之史冊也可謂之建設之新書也亦
無不可是為之序

華亭高教務主任武威雲程陸霄漢撰

中華民國十九年元月十日

尚序

當觀國之有史縣之有志家之有譜人之有傳其範圍雖有不
同切究其理則一也何則夫國若無史則古今治亂之由文事
武備之制與夫國運之盛衰政體之因革民族之隆替疆域之
廣狹利弊之興除外交之得失以及聖賢豪傑之事功工藝商
業之優劣勢必無考縣若無志則歷朝之隸屬區劃之大小人
材之多寡社會之良否風俗之美惡戶口之增減物產之盈絀
以及山林川澤之利益名勝古蹟之重要勢必無稽至若家無
譜牒則宗派亂人無傳記則善惡混固與史志有同樣之關係
此縣志之所以必須纂修也我華舊志原無木板同治回亂遺


失殆盡聞之父老安輯而還於破瓦書中拾得錄本歷八九年
之蛀溼多平缺而不完畧而不詳六十年來相傳僅此一卷斷
濫棄紙耳我華文獻豈不痛哉民國六年省令各縣編修志乘
雖經前鄭嘯崖縣長之熱忱一再照會督促卒以無款遷延未
曾着手今張芸菁縣長接篆銳意提倡任籌梓金委教育局長
幸中和君為總編輯先生不惜心血或倩人採訪或隨事咨詢
或躬親調查或博搜考據窮源溯流務期真確補闕拾遺力求
精詳四月繼畧拾編告成較之舊志煥然改觀余披讀之下見
其首志地理一編尤覺生面別開益人神智其他九編皆網舉
目張條分縷晰足見學富心細知識眼光有獨到者我華得此

完壁庶幾地方已見已聞及未知未悉者均不至湮沒而無彰
其有造我華之功豈淺鮮哉惟念幸君有顯微闡幽之舉固畧
贅數言以表幸君關心桑梓之誠並為後之關心桑梓者勸是
為序

華亭縣教育會常務委員尚政全撰

中華民國十九年元月十二日





Handwritten text on the right side of the page, possibly a date or reference number, including the word "Date" and some numbers.

Handwritten number "14" on the right side of the page.

杜序

縣志之修由來尚矣幸中和公修華亭縣志脫稿見示余竊思此志提倡者為前令鄭嘯崖贊助者為現今張芸菁增序者為陸雲程王美軒潘杰三及其他諸名士皆當代富機雲之詞藻懷班馬之文章者也棟不學無術然於提倡之雅意編輯之苦心何敢不勉為其難以慶督纂告成之功祝先賢有徵之榮哉又况當今之世人工進而為機械君權墜而為民權中山主義猶以民生衣食住行四大要需為原則一般志士皆借已往以推將來或考礦產而謀利源之開採或察土宜而籌農稼之改良凡此種種莫不皆賴文獻之有徵方有入手之辦法詎料舉華

亭歷代之沿革政治之隆污及已往之官師人傑故有之山脉
河流詢諸邑士半皆瞠目結舌一辭莫答豈地方人士之盡愚
乎實由無志乘以資考核也粵稽舊志版於前明續於有清固
不得謂之無志奈僅具畧錄並無叢刊潛藏搢紳之家難經普
通之目鄉土之要何能盡悉是以有志若無志耳况康乾迄今
猶多待記之事乎改革以後雖有重修之議而饑饉薦臻兵匪
雲擾邑人常朝不顧夕誰尚能把蒙毫理蔡紙作傳世之業哉
惟中和公少負才名老存壯志不忍坐視邑事之湮沒先賢之
淪亡處困苦顛連之世本彰善瘴惡之旨補舊志之闕正舊志
之誤詳舊志之略放國家世界之眼光揮儀州彈丸之史筆宜

乎其超越舊錄燦爛新邦矣又得張芸菁之贊助九仞一篲卒
付剗剗豈先賢有靈故有如是之奇過乎噫余知中和公亦非
欲誇龍門之史才炫蓬萊之文章者也縣志之作蓋望他日之
來牧是邦者覽輿圖而明形勝察民族而施治化並知某也為
名宦某也為循良某也為貪官污吏俾步芳塵而勉為賢宰蓋
望地方之接踵興起者知某也祀鄉賢某也祀名宦某也祀忠
烈節孝俾得思世澤而奮作完人此固幸中和公修志之深意
亦即張芸菁公贊助之美意余不辭謏陋筆識之微意歟

華亭三區初級小學校總校長學生杜如棟識於自強書舍

docsriver 文川网
入驻商家 古籍书城

在文川网搜索古籍书城 获取更多电子书

卷之三十一

中華民國十九年九月九日

張序

或曰幸中和先生非舞文之人余應之曰本非舞文之人或曰幸中和先生非沽名之士余應之曰本非沽名之士或曰幸中和先生不舞文不沽名今胡為乎修志勿乃近於舞近於沽不免為識者謂余應之曰志史事也大事也昔也不舞而今則勉為一舞非舞文也蓋不得已也志公道也人道也曩也不沽而此則畧為一沽非沽名也蓋弗獲辭也不得已而已之弗獲辭而辭之則我華數百年間之英雄豪傑忠臣孝子節婦烈女鄉賢名宦以及山川靈秀之所鍾農礦動植之所產不但湮沒無聞勢必考據無徵先生必於是而一舞其文一沽其名不但先